



Inuit Ukiuqtaqtulimaami Katimajingit Aisisiikut – Kanatami, Iltarijaujjutingit Sanaugaliuqtinik Qanuiliuqtiuninginnik Taqitamaaq Qaritaujakkut Atuqtaujaunaqtut Tusagatsait Kinguliriiktunik

Qujalijaujarialit Kanataup Gavamakkut Iqanaijarvinga taikani Kanatamiut Piusituqarijanginnik - Nunalituqait Uqausituqanginnut Ilagijauqatauningit, Aisisiikkut Kanatami tunijausimalirmata kiinaujanik ikajuutiksani quviasuutauninginni iliqkusituqarijaujut ammalu uqausituqarijaujut Kanatami

Quviasuutaunirmut sivullirijaq arraagunga taakkununga Nunarjuarmi Tapiriit Qulinik 10 Arraagunik Iltarijautittinningit Nanituinnaq Uqausituqarijaujunik, Aisisikkut Kanatami kajusittinialiqitut piliriaksanginnik taijaujunik “Aisisikkut Kanatami Inuit Sanaugaliuqtinginik Taqitamaaq” Taqitamaanguniaqtuq pigiarlutik Januari 2023-mik Tisipiri 2023-mut, Inungni ilitaqsiqatarniaqtut taikuuna tusaqsauvaktutigit qaritaujakkut atuqtauqatarunnarniq taijaujunik Unikkaat - Inuit Sanaugaliuqtiit Iltarijauninginnik tusaajaksait kinguliriqatarniaqtut. Sanaugaliuqtiit iliqusituqarminiglu aturninginni qanuiliuqtiuvaktut makuangujunnaqtut kinakkutuinnait nijjausijaqtiit/tusarnaagaksaliuqtiit, katajjaqtiit, qilaujjaqtiit, ullumisiutiuniqsanik tusarnaagatsaliuqtiit makuningalu qalunaatitut taijaujunik uqausiqsuqpaktunik inngiqtiit raap-mik, paap-nguniraqtaujuniglu nijjausijaqpaktunik, miqsuqtauvaningilu inungnut atigiliarijauvaliqitut, annuraallu, miqsuqtiuvaktullu, takuminaqtullu atuqtaujunnaqtunik sanajiuvaktut, sungaujanik atugaksanik sanajiit, amaussiuqtiit, sananguagtiit, atugaksanik ujamingnik asinginnilu sanajiit, niqiliuqtit/Inuit niqillirivaktanginnik titiraqtiit/nirijaksanik niurrutiksaqasuut ammalu qanuq sanajauvanninginnik qaujimajitait, mumiqtiit, takuminaqtunik sanavaktut, iviraliuqtiit ilisivviksakulungnik,

iglurjuat ilulinginnik qanuilinganinginnik aaqiksuijiit ammalu Inungnik pinguaqtiuvaktunik timikkut aksurunaqtunik asikkanninginniglu.

Ilitarijaujut saunagaliuqtiit qanuiliuqtiillu asingit tunijauvangniaqtut \$5000.00-nik ikajuutauniaqtunik piliriarivaktanginnut, nipiuliqtaulutiglu qaritaujakkut tusaajaksanik unikkaanik - tusagaksaliarivaktanginnik ammalu naalautikkuurlutiglu ammalu takujaksaliarijaulutik qaritaujakkut Aisisikkunnut ikajuqtaulutik, ammalu atuinnautitaulutik Aisisiikkut tusagaksaliurvigivaktangagut, ungataanuullu.

Aisisikkut kamajiuniaqtut ikajuqtiuniq sanaugaliuqtinik tusagaksaliuqatarlutik qaritaujakkut atuqtaujunnaqtunik tusaajumajunut, ammalu asinginnik tusagaksaliurutaulutik ammalu tusaumajauvalliajunnnarninginnik taqaunga.

Ilaujunnaqtut imailingajarialiit:

- Inuit iliqusinginnik aturumaqatarlutik, inuusinginniglu tamainnik aviktuqsimananinginni kanatalimaamilu inungni asinginnik nunaligjuarni.
- Ajungittarialiit uqarunnarniq apiqsuqtauninginni inuktitut, qallunaatilunnit.
- Ajjiliuqtaujunnarlutik asimini sanagaliuqatauvangmijunik ammalu piliriarijanginnik aisisiikkut takuniaqtauvvingagut qaritaujakkut saqititausimaniaqtunik
- Qaritaujakkut kinaungmangaat qaujigirviujunnarialiit takujaksaniktausimaluni tamainnik inungnik ikajuqtigijaminik ilaqlarluni
- Atiliuqtausimalujarialik naliangnituinnaq Inuit Nunataarutinginni Angirutiqaqataujuni Kanatami.
- Asinginnik kiinaujaqtaaqtitausimasimajuviniunngilluni, qanutuinnaq uvvalunniit ilinniakkannirutiksanik pisimajuvviuningilluni piliriarijunnaqtanginnut pivaallirutaujunnaqtunik tamaani 12-nik taqinik sivuniagut ilitarijauvviksangata pigiarluni tamaani Nuvipiri 2022-mik.

*Inuit nunaqaliqtut silataani aviktuqsimananinginnik nunataarvigisimajaminik sulii ilaujunnaqtut kisiani titiqautiqariaqaqtut takujaksaqarlutiglunnit nunataaqatausimanirminik. *